


DOS HOBEN A PERDE BIDA DEN FORMA TRAGICO RIBA MESUN DIA




**NO TA RIVALNAN POLITICO PERO
RAAD VAN ADVIES A
CONCLUI CU
INTRODUCCION DI
BBO NA FRONTERA
LO TA FATAL**

**GOBIERNO TIN CU REINTRODUCI FASE
BIJSTAND DI 450 Y
ONDERSTAND DI 900
NO TA SUFICIENTE
PA BIBA**

**NUBIA SCUR RIBA
ENSEÑANSA TA
BIRANDO MAS SCUR
INSCRIPCION AFECTA
PA FALTA DI PLACA**

**DUANA A SIMPLIFICA
E SISTEMA DI PAGO
DI BBO NA FRONTERA
HOPI MAS EFICIENTE**




The #1 Payroll & HRM Software in the Caribbean



- Easy to Use & Always Accurate
- Complete Integration of HRM & Payroll
- 24/7 Support from Local Specialists
- On-premise or Cloud
- All Types & All Sizes of Companies incl. Government

Tel. 583-7072 | info@vcc-int.com | www.vcc-int.com



VCC
International NV

**REAL SOFTWARE
REAL SUPPORT**
www.vcc-int.com

Dos hoben a perde bida den forma tragico riba mesun dia

Diadomingo a habri cu un tristesa grandi pa dos famia ora cu dos persona a perde nan bida den un forma tragico den un accidente den trafico diadomingo den oranan laat di marduga y mainta.

Mucho informacion concreto no tin di e caso na Savaneta. Unico cos cu mester spera resultado di e investigacion pa mira kico realmente a pasa. Y asina mes kisas no ta haya sa tur detayes.

Loke por bisa awo ta cu e accidente aki a sosode un poco despues di 6'or di mainta y e tabata un accidente frontal. E auto den cual e hoben Kevin Tromp tabata no a baha for di caminda, sino a hala completamente na su banda robes. Y a bay pega den un truck di BSL Laundry. E chauffeur aki no por a haci nada pasobra, segun por a compronde, e movecion di un banda di caminda pa e otro banda door di e auto cora maneha pa Kevin Tromp a sosode lihe y na ultimo momento. Ora cu nan tabata cerca di otro riba e caminda dilanti di Winter Garden Supermarket Savaneta.

Kevin di 17 aña tabata den un KIA Rio color cora numera A-62040.

E prome Polisnan cu a yega na e sitio a constata cu e chauffeur relativamente hoben no tabata reacciona y a pidi ambulance cu suma urgencia. Pero a pesar di intento pa haya pulso no a logra y dr. Mungra mester a declara pa 6.50 fayecimento di Kevin Ruben Tromp, naci 12 augustus 2005, Aruba.


Polis di trafico y polis tecnico a presenta na e sitio pa haci nan investigacion. Slachtofferhulp tambe a presenta na e sitio pa brinda sosten na famia di e fayecido.

Kevin tabata e di cuatro victima den trafico y algun ora prome Aruba a conoce su di tres morto di trafico di otro hoben, conoci aki na Aruba. Ta trata aki di Ray Zambrano, futbolista militando cu SC Unistars. Tabata rond di 3.30 di marduga a drenta e melding di un accidente grave riba e caminda conoci como Sasaki, banda di ex House of Cheng.

Segun por a compronde un Nissan March (A- 65717) a bay dal den un mata di kwihi. Ta papia di velocidad halto y/of e chauffeur a pega soño.

Ora cu Polisnan a yega na e sitio, ya caba personanan cu conocimiento cu tabata na e luga di accidente, a cuminsa traha cu e victima, tabata trata di re-anime. Hopi lihe ambulance a yega pa e personal tuma over.

Despues cu durante mey ora largo a trata di auxilia e chauffeur mester a constata cu nada no tabata yud'e reacciona. A base di documentonan a bon verifica cu tabata trata di Ray Kelvin Zambrano Burgos naci 18 december 1996 na Aruba.



Polis di trafico y polis tecnico a presenta na e sitio pa haci nan investigacion. Slachtofferhulp tambe a presenta na e sitio pa brinda sosten na famia di e fayecido.

E hoben aki manera menciona ta milita den SV Unistars y tabata un persona masha stima den e mundo aki pa su forma tranquil.

Na tanto famia di Kevin Tromp como di Ray Zambrano ta bay palabra di condolencia y forsa.

No ta rivalnan politico pero

Raad van Advies a conclui cu introduccion di BBO na frontera lo ta fatal

Diabierna ultimo Raad van Advies a entrega na gobierno y Parlamento, su conseho riba e concepto di ley di BBO na frontera cu gabinete Wever Croes II pa medio di Minister Xiomara Maduro, lo kier introduci den proximo dos siman.

Loke ta bon pa gobierno haci, ta di busca un bon traductor di Hulandes, pa splica gobierno na 'placa chiki' kico Raad van Advies a pone riba papel y den bon Papiamento, muestra gobierno cu e medida aki, lo afecta tur cos, di ariba te abou y su consecuencianan lo por ta fatal pa economia di e pais.

Ora cu analisa e lista di puntonan cu Raad van Advies a trece dilanti, e ta muestra cu e consumo Arubiano, dor di e introduccion di ley aki, lo wordo confronta directamente y indirectamente cu un efecto di aumento di prijs. Ta tristo ora cu scucha algun miembro di Parlamento den ultimo simannan, trata di sostene e plan di nan gobierno, pa colmo cu nan a ricibi e conseho di Raad van Advies ainda, mustrandu un falta di responsabilidad total den loke ta nan responsabilidad pa controla un gobierno cu a perde 'gevoel' pa tur cos.

Raad van Advies tabata masha cla den su conseho, mustrandu cu negoshinan lo wordo confronta cu gastonan adicional den nan maneho y produccion y esaki ta mas cu claro cu e consumo lo bay paga pa e gastonan adicional aki.

Na mes momento ta muestra cu for di prome di Januari caba di e aña aki, pueblo ta sintiendo e efecto di aumento di BBO cu gabinete Wever Croes II a introduci y cu a percura pa un aumento di inflacion increibel.



Den forma bon cla y na bon Hulandes, Raad van Advies a enfatisa cu e ley aki lo afecta y daña e clima di inversion pa e pais y esaki lo por tin como consecuencia, cu lo no tin mucho inversion nobo y renobacion di hotelnan y otro negoshinan den horeca, lo no ser haci por lo pronto mirando e aumento di costo cu esaki ta trece cu'ne dor di e medida aki.

Adicional Raad van Advies a muestra den su carta cu ya caba Banco Central di Aruba a muestra recientemente cu pa 2023 lo un reduccion den economia di e pais c'un reduccion den consumo den sector priva pa motibo di un inflacion cu no ta normalizando por lo pronto. Un punto cardinal den e carta di Raad van Advies ta muestra di e incertidumbre di e magnitud di consecuencianan di introduccion di BBO na frontera cual sin duda lo ta contene un riesgo grandi pa loke ta efecto negativo di poder di compra di ciudadanonan di e isla.

Gobierno no por asumi c'un introduccion di 7% di BBO na frontera ta algo

abou ya cu ta sigur cu e lo tin su influencia negativo pa loke ta e sistema acumulativo, ya cu e lo afecta e forma di produccion di varios empresa y otro aspectonan importante.

Otro punto devastador den e conseho di Raad van Advies, ta e hecho cu nan ta anticipa cu introduccion di e BBO na frontera lo tin su efecto formal riba e industria turistico, caminda renobacion y inversion den e calidad di hotelnan y edificionan hunto cu e producto turistico den su totalidad, lo wordo negligishado di e impacto negativo cu introduccion di e ley aki lo trece cune.

Raad van Advies a practicamente muestra riba mesun puntonan cu e sector comercial a bin ta bisando pa algun tempo caba y e momento a yega cu tin cu gabinete Wever Croes II tin cu para firma y bisa Hulanda, cu te aki cos a yega, no por mas!

De lo contrario gobierno saca su conclusion y entrega poder bek na pueblo.

Gobierno tin cu reintroduci FASE

Bijstand di 450 y onderstand di 900 no ta suficiente pa biba

Na grandi gabinete Wever Croes I a probecha di e ayudo financiero durante di pandemia, na esunnan cu a perde nan trabou den e sector priva, caminda hasta hendenan cu tabatin trabou, a cobra varios luna di FASE sin cu nan tabatin derecho riba e placa aki.

Gobierno Hulandes a ordena mesun gobierno aki di suspende e asunto di FASE y tambe pa stop cu e “loonsubsidie” caminda tambe tin hende a saca probecho di e ayudo aki, mientras cu te dia di awe, ainda no tin un investigacion andando pa mira kendenan a abusa contra ley dor di cobra FASE.

Sinembargo ta bisto cu manera AWEMainta a publica siman pasa, cu tin un sistema social bou di asina hopi presion, cu por spera un explosion serio riba e sector aki, ya cu placa no ta yegando den miles y miles di cas rond Aruba.

Pa atende cu un di e gruponan mas vulnerabel cu tin den comunidad, ta e grupo cu ta cobra sea ondestand of bijstand, ya cu realmente e hendenan aki tin alivio financiero net pa tres of cuater dia, ya cu 450 di bijstand kisas ta yega pa paga awa y coriente, algo di come pa dos of tres dia pero mas cu esey un suma di 450 no ta bay mucho leu mas.

Igualmente cu esunnan cu ta cobra onderstand cu ta e grupo cu ta ricibi 900 florin, cual tampoco ta un suma cu lo yuda mucho, pa colmo cu ta riba caminda pa bira menos ya cu gobierno kier introduci BBO na frontera loke lo nifica cu productonan ta bay bira mas caro.

Fuera di e dos gruponan aki tambe tin e pensionadonan cu tampoco ta hayando oro tur fin di luna ya cu entre nan tin cu ta paga na awa y coriente so, alrededor di 800 pa 900 florin pa luna, loke practicamente a bay cu mas mita di e suma cu nan ta ricibi.

Ta pa tal motibo por scucha aki y aya hendenan papia cu gobierno tin cu reintroduci un biaha mas FASE, pa yuda esunnan den necesidad, mirando cu durante di e pandemia nan a hasta yuda esunnan cu tabatin salario caba, esunnan cu no a perde nada di nan salario pero pa gesto di un hende di gabinete Wever Croes, a logra di cobra e bonus aki cu te



dia di awe ainda, nan no a paga bek.

Sinembargo pa e gruponan aki, hendenan di entrada hopi abou bay carga sperando cu Minister di Asuntonan Social, Glenbert Croes, cu e los stop di biaha y presenta un plan social pa drecha e situacion di e hendenan pover aki, ta mucho grandi pa anhelda of kere cu e lo sosode.

Minister Glenbert Croes durante di campaña electoral di 2021 a sigura votadonan cu si nan vota pa otro partidonan, e proyecto di FASE lo wordo candela pero cu gobierno di MEP, esta Glenbert y gobierno di MEP, lo sigui cu esaki.

Eleccion no a caba cu gobierno Hulandes a ordena gabinete Wever Croes II, pa cancela FASE y hasta inicia un investigacion riba kende a cobra haciendo mal uzo di e situacion, cual investigacion te dia di awe, no a mira luz di dia.


Gobierno na e momentonan aki no tin placa pa yuda e fundacion cu ta atende cu cuido di hendenan grandi, pensionadonan loke ta indicacion cu lo no tin placa pa un otro FASE por lo pronto ya cu BBO na frontera ta otro indicacion cu gabinete Wever Croes II, a pesar di a ranca miyones for di pueblo den seis aña, ainda kier sigui ranca y bienestar di esunnan di menos entrada y pensionadonan, simplemente no ta den bista di gobierno mas.

INSTA CASH

WEGA NOBO



Con pa gana?

- 1 Haya 4 of mas icon di placa “”
- 2 Gana e premio cu ta poni den e ilustracion abou

GANA

TE CU **AFL. 3.000**
DI BIAHA!

4  = AFL 2	7  = AFL 15	10  = AFL 75
5  = AFL 5	8  = AFL 20	11  = AFL 500
6  = AFL 10	9  = AFL 50	12  = AFL 3.000



www.lottoaruba.com



Nubia scur riba enseñansa ta birando mas scur

Inscripcion afecta pa falta di placa

Mientras cu gobierno ta luchando pa haya mas placa, buscando un formula pa sigui ranca for di cartera di pueblo, e pueblo mes ta confrontando retonan cu ta practicamente desastroso.

Pa algun dia caba Minister di Asuntonan di Grandinan ta buscando un formula pa hustifica e confrontacion cu e tin cu directiva di SABA ya cu gobierno no tin placa pa sigui yuda e fundacion cu ta responsabel pa cuido di nos hendenan grandi, for di otro skina, pueblo a wordo confronta cu e realidad di pobresa.

Fuera di bienestar y bon cuido di pensionadonan cu ta coriendo peligro, gabinete Wever Croes ta den un ansha di morto pa “bulldoze” e ley di BBO na frontera cu lo tin cu percursa pa gobierno ricibi un suma di 40 miyon florin adicional tur aña.

Un suma cu ta comerciantenan ta bay ta responsabel pero cual comerciantenan na nan su turno, lo pone esaki riba lomba di pueblo y pa straño cu e por zona, comerciantenan no solamente ta bisa cu esey ta bay pasa pero nan no kier ta parti di e abuso aki contra cartera di pueblo.

Pueblo simplemente no por carga e peso di un gobierno cu su vision for di 2017, ta dirigi na introduci medida pa saca mas tanto cu por for di pueblo, sin cu tin un limite pa esaki, loke ta creando pobresa den tur skina di e pais.

SCOLNAN

E sector di educacion pa algun tempo caba ta pasando den situacionnan sumamente delicado y caminda tin tur indicacion cu den e lunanan nos dilanti, educacion di nos mucha- y hobennan, lo wordo sacudi pa fenomeno di placa sin precedente y cu lo bay a costo di educacion di nos hobennan.

AWEMainta por a confirma den fin di siman, cu inscripcion pa aña escolar, ta bayendo masha poco poco mes, cu tin un fenomeno cu a lanta cabes e aña aki, caminda e ‘rush’ pa inscribi yiunan pa e aña escolar di 2023-2024, no ta mesun cos cu añanan anterior.

Pa colmo den e nivel di ‘kleuter’ pa algun siman caba tin scolnan cu no a haya e reaccion cu nan a spera y caminda den pasado na e altura aki, ya e klasnan tabata yen yen y te cu mester a nenga algun mucha di atende nan formacion riba nivel di kleuter.

Tur cos ta indica cu e situacion aki tin di haber cu asunto di placa, esta cu mayornan simplemente no tin placa pa paga pa nan yiu inicia e aña nobo na kleuterschool, ya cu na tur scol ta ser exige pa mayornan paga na momento di inscripcion, tanto e ‘schoolgeld’ pero tambe e asina yama ‘aircogeld’ cu ta hopi placa pa hopi famia mirando e situacion financiero den mas di 50 mil cas aki na Aruba.

Di parti di gobierno no por spera mucho ya cu Minister di Educacion, Endy Croes ta ehecutando un vision cu tabata e vision di ex Minister Rudy Lampe cu kier a ‘fuseer’ varios school den un intento pa corta gasto manera cu gobierno Hulandes a bin ta exigiendo na gobierno di Aruba.

E situacion un biaha mas no ta nada agradabel den educacion di nos pais, ya cu pa falta di un vision concreto, pa falta di financia necesario pa drecha henter e sistema educacional, ta mucha- y hobennan ta esunnan cu lo Sali perhudica pa e maneho desastroso cu ta tumando luga riba nivel educacional aki na Aruba.



TARA LOUNGE
by Elements
RESTAURANT

SUNDAY BRUNCH

\$110 PER COUPLE | CHAMPAGNE INCLUDED
11:45 AM - 3 PM | ADULTS ONLY | CASHLESS
AC INDOOR & OUTDOOR SEATING
RESERVATIONS REQUIRED
elementsaruba.com | +297 583-1100 ext 3

Duana a simplifica e sistema di pago di BBO na frontera hopi mas eficiente

Durante di un rueda di prensa cu a tuma luga diabierna, riba un splicacion amplio con lo atende cu BBO na frontera, director di Departamento di Duana, Roderick Croes, a splica cu pa por yega asina leu pa tin un bon comunicacion cu Departamento di Impuesto, nan ta uza diferente sistema.

Manera Departamento di Impuesto ta uza e sistema di SAP y Duana ta uzando e sistema di Asycuda, cual ta nifica dato cu ta bin di aduana cu lo ta hinca eyden. E brokernan ta haci tur nan declaracion online.

Croes a agrega cu mester a traha un comunicacion cu DIMP p'asina Duana por haya e persoonsnummer fo'i DIMP di cada un di e comerciantenan of e importadornan y na nan turno, ora cu haci pago Aduana por pusha tur informacion bek pa DIMP. Di e forma ey nan ta haya e informacion cu nan tin mester pa calcula e deduccion na momento di declaracion di BBO ora di paga eynan.

Ta importante pa bisa cu un di e mehoracionnan eyden ta cu actualmente door cu no tin e bon comunicacion entre e dos sistemanan (nan no ta papia e mesun idioma) y awo cu si esey ta posibel, Departamento di Duana ta haya e persoonsnummer fo'i DIMP.

Cada persona cu tin mester di un persoonsnummer e tin di bay DIMP, tin di bin cu un papel di censo p'asina e por hustifica cu ta e t'e persona cu ta pidiendo e persoonsnummer y asina ey ta dun'e.

Cu e sistema aworaki tin un vertaalslag den sistema di Aduana, cu ta haya e persoonsnummer di biaha y no tin nodo di pasa henter e proceso innecesario. Esey ta bay bira hopi mas eficiente den manera di traha cu DIMP.

ASYCUDA

E brokernan cu conoce e sistema di Asycuda, no lo tin ningun problema na momento cu nan bay haci nan declaracion.

P'e broker nada lo cambia. Importante ta si cu e brokernan mester pone e persoonsnummer di e importador y tur e datonan di e importador mester bin corectamente riba e aangifte di Aduana pa invoerrechten.

Riba e sistema ta pone e afzender, den e aangifte tin e parti di importador y tin e parti di e broker. Esta e aangever manera ta yam'e.

E aangever ta pone tur su datonan, e importador mester yena su datonan tambe den e parti di importador.

Importante di esey ta cu si a caso e yena e datonan malo of yena su mesun informacion den e parti di importador, e persona

cu ta haci e declaracion no tin e derecho riba e deduccion. P'e motibo ey e mester percura pa pone e persoonsnummer di e importador, cu si tin e derecho di e deduccion na momento di haci su aangifte, di modo cu e informacion corecto por bay DIMP pa por haci e deduccion.

GARANTIA DI BANCO

Departamento di Duana tin un sistema cu e broker t'esun cu ta paga e invoerrechten, y den e caso aki e por paga e BBO na frontera p'e importador of por scoge p'e importador mes pag'e.

Tin varios broker cu tin crediet na Duana y p'esey ta deposita un garantia di banco. N'e momento aki cu e suma ta bay wordo hisa door cu e BBO na frontera lo bin, ta nifica cu nan tin di bay paga un suma mas halto. Ta keda na nan si nan ta subi nan credito of no.

N'e momento cu e garantia di banco caduca, e momento ey e sistema ta cera, nan mester paga y e sistema lo habri pa nan bek automaticamente.

Den e caso aki nan por scoge cu nan por keda cu e mesun suma di credito y Duana lo keda cu e mesun garantia y lo paga mas regula p'asina por pasa e suma cu nan tin di garantia.

Ta keda na cada broker si e ta hisa su blafond di debe of e ta paga mas frecuentemente of e ta dicidi pa laga e importador mes paga.

SIMPLIFICACION DI TARIFA

Lo bay tin un simplificacion di tarifa cu lo ta introduci hunto cu e BBO na frontera. Na 2018 e tabata un recomendacion pa IMF. Ta importante pa tin un simplificacion y lo mira cu esaki lo bay wordo haci na momento cu introduci e BBO na frontera.

E simplificacion di tarifa tin su bentananan. Loke ta pro di e invoerrechten, ta e bevordering di e compliance, n'e momento cu e tarifanan cu tin awor aki lo bay bira menos.

Lo bay haya mas compliance, lo bay mira pa comercio lo ta facilita mas hopi posibel di modo cu mas eficiente traha mas lihe comercio por haya nan producto tambe y comercio por keda draai.

E ta hopi mas facil pa controla pa Duana, pasobra tin menos tarifa cu tin di bay sinta coba den dje. Tin actualmente den nan tariefboek mas of menos 900 diferente goederencode. Esey lo bay wordo reduci na 200, cual ta un reduccion hopi grandi y ta bay haci e trabao di aduana mas facil.

Di un otro banda e ta menos sensibel pa fraude tambe. Tur esaki hunto lo bay pone cu lo bay facilita comercio hopi mas, trahando mas eficiente, tanto na Aduana pero tambe p'e brokernan por traha mas eficiente.



Mirrors Beauty Academy ta ofrece e siguiente servicionan

Laba
Corta
Blowdry
Keratina
Cold Wax

Tinja
Highlights / Mechitas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Roderick Croes (Aduana)

Tanto comercio como persona particular lo bay paga BBO na frontera

Por mira cu BBO a subi na cuminsamento di 6 pa 7% den cual e particion tabata 4% pa BBO/BAVP y 3% pa BAZV, segun director di Departamento di Aduana, Roderick Croes.

Entrante prome di juli, unda cu lo bin BBO na frontera, e mesun tarifanan lo keda conta tambe pa BBO bij invoer.

P'e motibo cu e mesun suma cu ta bay paga na frontera, e mesun suma lo por tin derecho tambe di un reduccion riba dje. E tarifanan lo keda mesun cos p'e motibo ey.

Si bay wak tur e cambionan cu lo bay bin lo mester wordo poni den ley y asina ey tambe ta bay conta cu e ley di BBO na frontera. Cambio cu a haci p'e BBO na frontera, a wordo haci den e ley di BBO mes, p'asina e por duna e oportunidad pa por cobra e BBO normalmente, cu e producto wordo importa.

KEN T'ESUNNAN CU LO BAY PAGA

Comerciante y e personanan particular cu ta cumpra producto priva, lo bay paga e BBO na frontera. Den ley e lo ta parti pa

motibo cu solamente e comerciantenan cu ta rebende e productonan lo por tin e derecho di deduccion na momento cu nan hacinan aangifte BBO na Departamento di Impuesto. Esey ta nifica cu esunnan cu ta cumpra cos priva, por ehempel fo'i Amazon, lo no tin e derecho ey, solamente esunnan cu ta bay rebende tin e derecho ey di deduccion.

P'e BBO na frontera lo bay uza e Douanewaarde. Mescos cu n'e momentonan aki ta uza esey pa por calcula e invoerrechten, lo bay calcula tambe BBO na frontera.


E waarde cu lo uza t'esun cu ta wordo calcula segun articulo 59 di ley di Aduana y e tarifa di BBO lo keda mesun cos.

Pa loke ta trata e ley, e ta wordo cambia den BBO, pero den e ley di BBO lo wordo poni tambe cu tur locual ta conta pa invoerrechten y accijnzen, henter e proceso y ley lo conta tambe pa BBO na frontera.

Croes a sigui splica cu p'esunnan cu traha cu Aduana, cual ta mas tanto e brokernan, nan a haya les den e parti di e ley di Aduana y nan sa kico e procesonan ta. Tur locual cu ta wordo uza pa invoerrechten, lo uza e mesun articulonnan p'e BBO na frontera. Locual lo bay conta tambe pa BBO na frontera t'e mesun sistema di bezwarenberoep cu ta conta pa invoerrechten y accijnzen, lo bay conta tambe e parti di e vrijstellingnan y tambe ontheffing. Den e parti di vrijstelling tin un articulo 128 y den e mesun vrijstelling, e productonan ey lo bay haya vrijstelling pa BBO tambe.

Den articulo 128c di ley di Aduana, tin ontheffing cu minister por duna solamente ora ta trata producto cu ta wordo importa relaciona cu asunto di reino. E productonan ey tambe lo haya vrijstelling pa BBO.

Locual ta importante pa notifica, t'e productonan cu ta paga 0% na final di dia no ta paga nada extra pero den ley e ta paga 0%. Si e productonan ey no ta vrijgesteld pa BBO. Pasobra cu mescos cu pa invoerrechten nan ta paga. Pero e diferencia ta cu nan ta paga pa 0%. Nan no lo tin vrijstelling pa BBO tampoco.



Bin bishita nos y probecha!

Paña di bon calidad na bon prijs.

Adres: Avenida Milio J. Croes 47 local 3
Telefon: 5646733 - 5653466
E-mail: info@carlymar.com

Lider di Fraccion di AVP, mr. Mike Eman:

7% BBO na frontera devastador pa pueblo y pais!



E conseho di RAAD VAN ADVIES ariba e introduccion di 7% BBO na frontera ta cla y directo: efectonan lo ta devastador pa poder di compra, inflacion, clima di inversion, turismo y nos economia en general. Raad van Advies ta hasta cita Banco Central cu ta pronostica un caida real den nos economia pa anja 2023. Esaki ta e prome reaccion di e lider di oposicion, mr. Mike Eman, despues di a haya e ley di 7% BBO na frontera Diabierna ultimo y a studia e conseho di Raad van Advies.

Fraccion di AVP a studia e Belastingplan 2023 y conseho di Raad van Advies riba e introduccion di 7% BBO na frontera y demas

cambionan fiscal proponi door di Gobierno. Raad van Advies ta expresa preocupacion grandi pa e impacto negativo cu e cambionan proponi lo tin riba economia di Aruba y e calidad di bida den nos comunidad. Fraccion di AVP ta solicita un reunion den Parlamento pa scucha tur gremio.

Raad van Advies ta muestra cu e introduccion di 7% BBO na frontera lo aumenta inflacion mas ainda y lo afecta e clima di inversion na Aruba cu lo stanca crecimiento di nos economia. Aumento di impuesto lo aumenta costo di bida y na mes momento disminui e poder di compra di nos ciudadania. E resultado ta cu lo empeora e empobrecimento alarmante na Aruba.

E falta di consideracion cu gobierno ta demostra cu bienestar publico ta escandaloso y sin precedente.

Pa e motibonan aki, mr. Mike Eman ta bisa cu su fraccion ta solicita cu urgencia un Openbare Bijeenkomst cu FTA, SEPPA, STT, ABV, SIWA, SADA, CAMARA DI COMERCIO, Comerciantenan Unie, SNBA, ATTIA, AHATA, ATA, RESTAURANT ASSOCIATION, TIMESHARE ASSOCIATION, Aruba's Jewelers Association y demas gremionan sindical, comercial, prome cu entrega pregunta. Di e forma aki nos lo por inclui nan preocupacion y observacionnan pa cu e introduccion di e 7% BBO na frontera.

E lider di oposicion, mr. Mike Eman ta accentua cu e situacion ta hopi grave y nos pueblo no por carga mas medida. E 7% BBO na frontera riba tur e medidanan caba, manera Raad van Advies ta adverti, ta bai afecta tur hende severamente!

E conseho di Raad van Advies ta adverti pa consecucionan dramático:

- De Arubaanse consument zal door de voorgenomen maatregel zowel direct als indirect geconfronteerd worden met een prijsverhogend effect.
- Deze ondernemingen worden vanwege de heffing bij invoer geconfronteerd met hogere bedrijfskosten, waarbij de aldus zal voor de consument sprake zijn van zowel een direct prijsverhogend effect als

een indirect prijsverhogend effect bij doorberekening van de hogere productie kosten in de consumentenprijs.

- Verder is de consument het afgelopen jaar geconfronteerd met een zeer hoge inflatie en de sinds 1 januari 2023 van toepassing zijnde verhoging van de BBO.

- De verslechtering van het investerings- en ondernemingsklimaat als gevolg van de voorgenomen belastingmaatregelen, zal tot gevolg kunnen hebben dat nieuwe investeringen in en renovaties van hotels en andere horecagelegenheden achterblijven.

- Ook blijkt uit de meest recente cijfers van de Centrale Bank van Aruba (hierna: CBA) dat voor 2023 een krimp van de reële economie wordt verwacht en een daling van de - in reële termen - private consumptie als gevolg van de te verwachten aanhoudende hoge inflatie.

- Door de thans voorgestelde maatregelen wordt de Arubaanse consument wederom geconfronteerd met prijsverhogingen die zijn koopkracht en zijn toegankelijkheid tot producten nog verder onder druk zal zetten.

- Door de voorgenomen belastingheffing op de invoer van goederen zullen ondernemers in Aruba, van groot tot klein, geconfronteerd worden met kostenstijgingen.

- De Raad is daarnaast van mening dat de thans gedane voorstellen de beoogde eenvoud en evenwichtige verdeling van de belastingdruk niet zullen bewerkstelligen.

- De onduidelijkheid die bestaat over de grootte van deze gevolgen, maakt dat de voorgenomen maatregelen een aanzienlijk risico bevatten voor de koopkrachtontwikkeling van burgers.

- Een tarief van totaal 7% is echter niet meer laag te noemen en versterkt de nadelige effecten van een cumulatief systeem, zoals het overslaan van schakels in het productieproces, het niet uitbesteden van specialistische werkzaamheden en de bevordering/instandhouding van de grijze en zwarte economie.

- De grijze en zwarte economie worden gestimuleerd omdat de BBO fungeert als een kostenpost voor de ondernemer.

- Het wordt daarom steeds aantrekkelijker te werken met een ondernemer die geen BBO afdraagt.

- Verder worden renovaties van bijvoorbeeld hotels, time-share en vacation rentals duurder.

- De toeristische sector zou daardoor kunnen besluiten niet of later te renoveren en geen nieuw meubilair en dergelijke te kopen voor de kamers.

- Dit gaat ten koste van de kwaliteit van het toeristische product.

- Gelet op het feit dat de economie op Aruba vrijwel volledig afhankelijk is van het toerisme adviseert de Raad de gevolgen voor de toeristische sector diepgaand te onderzoeken.

- Verslechtering van het investerings- en ondernemingsklimaat;

- Ondanks de eerder gepresenteerde doelstelling van de regering om de leef kwaliteit voor burgers te verhogen door onder meer de kosten van het levensonderhoud te verlagen en de welvaart en leefbaarheid op Aruba te verhogen, gebeurt in de praktijk het tegenovergestelde.

- Zal de voorgenomen belastingheffing op de invoer van goederen, vanwege de slechts beperkte aftrekbaarheid, het investerings- en ondernemingsklimaat in Aruba juist verslechteren.

- De Raad herhaalt zijn opmerking uit zijn advies inzake Deel I van het Belastingplan 2023 dat hiermee wederom de indruk gewekt wordt dat er sprake is van een weinig betrouwbare overheid.

Tiger Taekwondo cu entrega di certificado

Recientemente Tiger Taekwondo Academy a haci entrega di certificado na 4 atleta cu a pasa nan examen di faha preto Poom cu exito. Ta trata aki di e atletanan: Khaleesy Ridderstaat, Janoah Ridderstaat, Raimara Blanco y Payton Sibilo.

E examinado tawata Master Moises Dumfries. Importante di e certificado aki ta cu e ta di e Cas di Taekwondo di Korea ta entrega esaki. Maestronan Teo Rodriguez y Jason Ridderstaat di Tiger Taekwondo Academy ta felicita e atletanan cu e logro grandi aki den e deporte campeon di taekwondo.



PASEO HERENCIA

*THE BEST ENTERTAINMENT
IN THE BEST ENVIRONMENT*

- **LATEST RELEASES**
- **RECLINING SEATING**
- **LASER PROJECTION**
- **7.1 DOLBY SOUND**
- **RESERVED SEATING**
- **ONLINE TICKETING**
- **CONCESSION AND DELI**

Paramediconan a bay controla baby cu lo no tawata reacciona

Diasabra atardi polis y ambulance a bay e hotel pabou di Bestuurskantoor, pa un baby cu a bira hopi malo. Na yegada di polis, e baby cu anteriormente no tawata reacciona tawata “ok” bek e momento eyan. Mayornan na prome instante no tawata desea




pa Paramediconan mira e baby door cu pa nan e lo ta bon. Pa buena marcha y pa evita cualkier problema e agentenan ta actua corectamente y ta bisa e mayornan pa laga Paramediconan controla e baby cu tawata musta tur soda. Y di e manera ey mira si mester di ayudo mas avansa.

Accidente cu hende herida na Boegoeroei



Diabierna anochi laat rond di 11'or a sosode un accidente ariba e crusada pazuid di Imelda Hof. E accidente tawata entre un Ford Ecosport y un Nissan March. Locual nos a compronde na e sitio ta cu e Nissan March tawata bayendo direccion nort ariba e crusada, momento cu e Ford Ecosport pariba e di e crusada a subi sin duna preferencia. Esaki a pone cu e la dal e Nissan March.

Na yegada di polis ya Ambulance tawata na e sitio, atendiendo esnan herida cu tawata 3. Pero solamente uno tawata mester mas atencion medico, esey tawata e chauffeur di e Ecosport. Despues di duna asistencia y haci su parti e ambulance a continua su caminda. Takelwagen a presenta pa hala of bay cu e Ford Ecosport, daño material ta considerabel.



APPAREL

BOAT ACCESSORIES

TOD-MAR

f TodomarAruba @TodomarAruba TodomarAruba +297 585 0555

FISHING TACKLE

FIBERGLASS PRODUCTS

Prome Minister ta felicita tur esnan cu ta labora den e veld social cu lansamento di e “Toolkit” di eCodigo di Proteccion

Diahuebs mainta, den un sala cu profesionalnan di e veld social, enseñansa, salubridad y husticia, a tuma luga e lansamento di e “toolkit” di eCodigo di Proteccion. Desde cu Gabinete Wever-Croes a drenta gobierno na final di 2017, a pone como meta principal, pa pone e ser humano central, introduciendo asina e Social Crisis Plan. Unabes estableci, a bin cu diferente proyecto cual un di nan ta e “toolkit” di eCodigo di Proteccion.

Prome Minister Evelyn Wever-Croes a splica cu eCodigo di Proteccion ta un sistema na unda cada profesional por haci nan melding, pa asina nos muchanan por wordo protegi. E lansamento di e “toolkit” ta hopi importante, mirando cu e ta consisti di diferente material di informacion pa yuda e profesionalnan den e area aki, sigui capacita nan mes, traha den e mesun direccion, poniendo asina proteccion di mucha central.

Pa cu e proyecto aki, Prome Minister a indica di a ricibi fondo di Union Europeo y UNICEF Hulanda. Tambe a ricibi hopi asistencia di Augeo Foundation, mustrando asina cu no solamente ta kere localmente den e vision di Aruba pero tambe riba nivel internacional.

Prome Minister ta gradici Minister Rocco Tjon pa a duna espacio na e profesionalnan pa bin cu e proyecto aki, y pa su vision y determinacion desplega. Tambe ta gradici Minister Glenbert Croes cu a inicia e proyecto aki, Sra. Sue Ann Ras cu ta trek e proyecto aki cu hopi amor y dedicacion, e team di “content” y tur profesional cu a duna di nan parti pa awe e proyecto aki ta asina leu.

“Mi ta hopi orguyoso y agradecido na tur cu ta labora den e veld social. Aruba ta den recuperacion, economicamente, turismo, financieramente y hasta empleo. Pero pa recupera di berdad, nos mester percura cu e hendenan manera esnan mas vulnerable y nos muchanan ta recuperando y ta bon protegi. Pabien na tur e profesionalnan. Danki di curason y hopi exito cu e proyecto aki” Prome Minister a expresa.



Fortaleza pa Famia

Rebiba bo matrimonio, cu aprecio, amor y pordon

BO no tin mester di biaha pa Hawaii, ni tampoco regala bo esposo/esposa un auto ultimo modelo pa asina rebiba bo matrimonio.

Tin hopi atake, hopi flecha cendi contra matrimonio awendia, e enemigo ta haci tur cos pa trece confusion y division den matrimonio.

E balor di matrimonio legitimo institui pa Dios entre homber y muhe ta un pilar spiritual, social, y familiar cu tin un forza enorme y cu ta e base di integridad y decencia den nos sociedad.

Hopi biaha por resulta cu un matrimonio por fria, e pareha ta trata otro sin cariño, y esey poco poco ta causa dolor y cu tur consecuencia cu esaki por tin.

Hopi ta pensa cu nan tin di busca cariño pafo di cas por ehempel den Happy Hour of den bar, y hasta adulterio y inmoralidad por cay aden,

Den tur pareha por existi diferencia di opinion, pasobra nos tur ta hende.

P'esey nos tin di corda cu pordon ta pa tur hende, pasobra falta di pordon ta pica y un tortura pa bo mes (Salmo 103:3).

Falta di pordon ta desobediencia na Dios, (Marco 11 : 25+26).

Falta di pordon ta stroba nos oracion.

Tin cuater yabi cu tur matrimonio mester, pasobra e palabra di Dios ta bisa cu e homber lo bandona cas di su mama y tata y nan lo ta un solo carni (Genesis 2:24+25).

Prome yabi ta: Un bon relacion cu Dios, Dios mester ta na prome luga den nan bida.

Di dos yabi ta: Bon relacion Sexual (Bon intimidad Sexual).

Di tres yabi ta: Comunicacion (Papia franco cu otro, no sconde nada, specialmente den area Sexual, Financiero y di Salud).

Di cuater yabi ta: Confiansa (Intimidad Emocional) Laga amor ta sin fingimento, of miho bisa stima otro di berdad,

no pa placa of propiedad of pa bon curpa of bon tipo, pasobra tur e cos nan ey ta temporal. Laga bo integridad, honestidad y consistencia briya tur momento.

Y pa tanto homber/muhe admiti nan fout.

Asina manera esnan cu a wordo scogi di Dios, santo y stima, bisti un curason di compasion, cariño y humildad, manse-dumbre y pasenshi. Ademas di tur e cosnan aki bisti amor, cual ta e laso perfecto di unidad (Colosensenan 3:12-14).

Tin cosnan cu ta parece chikito, pero nan ta di gran balor pa rebiba un matrimonio, por ehempel : Comparti trabao di cas cu otro.

Sali cana hunto, specialmente den naturalesa.

Comparti e mesun icecream cu otro.

Recorda otro con boso a cuminsa.

Cushina hunto.

Sirbi otro desayuno na cama.

Tur esakinan ta cosnan cu ta haci locual cu a fria lanta bek, y semper e amor di Dios lo briya den boso.

Nos tur sa cu awendia tanto e homber como e muhe ta na trabao, y e bida matrimonial, mester di hopi atencion, comunicacion y hopi seriedad, pa asina nan por sobrevivi e atakenan cu ta lanta contra nan.

P'esey ta recomendabel un bida di oracion, fuerte, dedica, yena cu amor y firmesa den Cristo Hesus.

Ma no laga inmoralidad of cualkier sorto di impuresa of golosidad ni wordo menciona mey, mey di boso, ni sushedad, ni papiamento di cos di loco, ni chansanan vulgar, cu no ta pas.

Mantene bo matrimonio limpi di mal amistad, pasobra mal compania ta dañá bon custumber. No aplica tur cos cu bo ta mira na television y riba internet den bo matrimonio.

Evita pa tur manera cu pornografia por drenta bo matrimonio, pasobra esey ta e cos di mas destructivo cu por drenta un matrimonio, como causante di tur adulterio, inmoralidad y bagamunderia.

Sinceramente, Pastor Marcel Balootje

Het mooie van herinneringen is dat niemand
ze van je af kan nemen
want ze blijven voor altijd in je hart.

Een bijzonder mens is van ons heengegaan,
mijn lieve echtgenoot,
een lieve vader en trotse opa.



Bernard Georg Schulte

Ben

*Schoonebeek, NL, 12 Juli 1935 - †Aruba,
21 Mei 2023

We dragen hem voor altijd in ons hart.

Dinette Schulte-Rooth

Saskia Schulte en Korné Vennema
Kai en Mandy
Tim en Margherita

Bernice Schulte en †Ron Wever

Maaïke Schulte en John Every
Ziva

Margarita Paaymans

Het afscheid heeft in besloten kring
plaatsgevonden.

Een condoleance achterlaten of een woord
van medeleven kan worden
opgestuurd per e-mail naar
condoleancebgs@gmail.com

Medewerkers en personeel van
uitvaartcentrum Ad Patres betuigen hun
oprechte deelneming aan de nabestaanden.



Aurora
Royal Pray
Funeral Home & Crematory

"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa trankil,
pa mi bolbe haña forsa".
Salmo: 23

Ta participa fayecimento di:

Isidoro Marcelino Quandt

Cariñosamente yama "Hory"
*02-January 1956 - † 25 Mei 2023

Acto di entierio lo wordo anuncia despues

Aurora
Royal Pray
Funeral Home & Crematory

Laga tur loke ta spera mi ta bunita
Laga tur locual cu mi encontra na caminda ta
bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever.

Cu dolor na nos curason, nos ta participa
fayecimento di nos ser stima:



Sra. Violeta F. Lacle-Lampe

Cariñosamente yama "Leta of Tanta Leta"
*02-05-1942 - †25-05-2023

Acto di despedida lo wordo anuncia despues



Aurora
Royal Pray
Funeral Home & Crematory

"Señor ta mi wardado, mi'n tin falta di nada.
Den cunucu di yerba berde e ta pone'mi
sosega. E ta hiba'mi na awa trankil, pa mi bolbe
haya forsa". - Salmo: 23

Cu dolor na nos curason, pero conforme cu
tur locual el a significa pa nos, nos ta participa
fayecimento di nos casa, tata, opa, omo y
ruman stima:

Eduardo Tromp

Miho conoci como "Eddy" of "Edchi"
na edad di 80 aña

*06 Augustus 1942 - †24 Mei 2023
Miembro den Ordo di Oranje-Nassau

Na nomber di su:

Esposa: Fortunata Tromp-Figaroa

Yiunan:

Jamil y Vanessa Tromp-Guzmán
Edward y Lisette Tromp-Thijssen
Celina y Gino Croes-Tromp
Elaine y Mariska Tromp-Kniest

Manera yiu:

Gilbert (Ibi) Albertus

Nietonan:

Ian, Samuel y Sebastian Tromp
Christy, Aaron †, Aiden, Annemarie y Kiara Tromp
Joceline, Alina y Jean-Luc Croes

Manera nieta:

Dyandra Albertus

Rumannan:

Dominico y Yvonne Tromp-Frans y yiunan
Alberta Tromp
Martin Tromp
Miguel y Ada Tromp-Adamus y yiu
Bernadetta Tromp y yiunan
Y demas rumannan den feliz memoria.

Swa y cuñanan:

Jose Figaroa
Lourdes Figaroa y Angel Barros
Luis y Filomena Figaroa

Consuegroman:

Rubén y Norma Guzmán-Grijalva
Edwin y Charlotte Thijssen-Pereira
Jean Lacle
Gerard y Baukje Kniest-Jansen

Ihanan:

Gilbert (Ibi) Albertus
Rachelle Tromp

**Sobrin(a)nan, sobre sobrin(a)nan, primo(a)
nan, amigo(a)nan, bisñanan y demas famia:**

Tromp, Figaroa, Semeleer, Guzmán, Thijssen,
Lacle, Croes, Kniest, Albertus, Frans, Lopez,
Adamus, Martinus, Britten, Brete, Koolman,
Quandus, Gonzalez, Farro, Frank, Roza, van
Poppel.

Ta invita pa e acto di entierio cu lo tuma luga
diamars 30 mei 2023 na Aurora Funeral Home
di 9'or di mainta pa 12'or di merdia, sigui pa
Santana Catolico na Noord.

En bes di manda flor of krans lo aprecia un
donacion pa Stichting H.O.P.E. Lo tin un box
disponibel na Aurora Funeral Home.
Famia ta pidi disculpa si den nos momento di
tristesa nos por a lubida un famia of conoci.
Disculpa nos cu nos no por ricibi bishita di
condolencia na cas ni prome ni despues di
entierio.

**Bo soñonan nunka no lo
bira realidat si bo no
kuminsa dal pasonan pa
dilanti.**

Ray Mar
Motivation | Inspiration



Cerca Dios mi ta na paz
Manera un yiu cerca su mama
Salmo 131

Cu profundo tristesa na nos curazon, pero conforme
cu boluntad di Dios, nos ta anuncia cu a fayese
cristianamente nos yiu, ruman, tata, omo, primo y
welo stima



Lorenzo Roberto Clement

Mihor conocí como Renzo
*21 augustus 1967 - †12 mei 2023

Na number di su:

Mayornan:

Robert (Ronny) y Mathilda (Dela) Clement

Yiunan:

Kimberley
Priscilla
Jennifer
Kaylee

Nietonan:

Yairo
Ocean

Ruman:

Robert (Eric) Clement y SherryLou (Sherry) Maduro

Sobrinonan:

Jerrick Clement y yiu Jaydrick Clement
Ericson Clement

Omo y tantanan:

Angela y Eddie Clement
Leo y Maria (Mely) Lampe
Filomena Meulens y famia
Thelma Rock y famia
Norma Clement y famia
Grace Clement y Famia
Veronica Clement y famia
Roland Clement y Elvira Clement y famia
Marcelo Clement y Famia
Daniel Clement

Primo y primanan y demás famia:

Clement, Lampe, Maduro, Meulens, Rock, Aartsen,
Janssen, Boekhoudt y conocirnan.

Ta invita pa acto di despedida di nos defunto stima
cual lo tuma lugar **díaranzon 31 mei 2023** di 9 am -11
am na Aurora funeral Home.

Despues lo hiba shinishi di nos defunto stima pa santa
Catholico na Paradera.

Nos ta lamenta cu después di ceremonia di
despedida nos no por ricibi bishita di condolencia na
cas.
Nos ta pidi nos disculpa pa den e momento nan
di tristesa aki si nos por a lubida di menciona algun
familiar.



"Señor ta mi wardador,
mi'n tin falta di nada.
Den cunucu di yerba berde
e ta ponemi sosega.
E ta hibami na awa frankil,
pa mi bolbe haña forsa".
Salmo: 23

Cu dolor na nos curason, pero conforme
cu tur locual ela significa pa nos, nos ta
participa fayecimento di nos casa, mama,
wela, bisawela, ruman y amiga:



Sra. Teófila H. D. Croes-Croes

Cariñosamente yama "Eta of Mamai"
Ex propetario di Eta's Grocery y
Angochi Grocery
*08-01-1938 - †22-05-2023

Mayornan: †Antonio Croes
†Catharina Croes

Na number di su:

Esposo: Egidio "Ildo" Croes

Yiunan:

Everett "Retty" – Ingrid Croes-Kelly & famia
Mirian Croes & famia
Mayra – Carl "Kenneth" Orman-Croes & famia
Randolph "Randy" – Ruthling "Ruth" Croes-
Geerman & famia

Nieto- y nietanan:

Evertson – Taiza Croes-Wever (Hulanda)
Cresci-Anne Croes (Hulanda)
Shandeeh Croes – Arjay Thijsen (Hulanda)
Lorraine – Nelson Molina-Croes & famia
Saul Croes – Carolina Willems & famia
Carlmaykel Orman (Hulanda)
Mariahcarly Orman
Randrick Croes (Hulanda)
Jean-Pierre – Lizzy Croes-Aguilar (USA)

Mescos cu Nietanan:

Belén Claessens
Brislyn Vrolijk

Bisanieto - y bisanietanan:

Amira Molina
Eliza y Elias Croes

Mescos cu yiu:

Maria (Maaikje)-Frenky Herms-Ridderstap
& famia
Juan (Juancho) – Aisha Ridderstap-
Anthony & famia
Alfonso (Onno) – Zulayma Ridderstap-
Croes & famia

Yerno:

Raul Croes

Rumannan:

†Fabiano (Betty) - †Hilda Croes-Lopez & famia
Teofila (Henita) Wessels-Croes & famia
Andresito (Dichi) – Mariana Croes-van Dijk &
famia
Mercedes (Selly) Croes & famia (Hulanda)
Remigia (Baby) – Enrique (Jo) Bello-Croes &
famia
Lermiet (Jem) – Diana Croes – Krebbeks & famia
†Angelio (Angel) – Rosa Croes-Kelly & famia
Marciano (Mai) Croes- Irma Renfrum & famia
Vincent (Nino) – Lena Croes-Curiel & famia
Mirto Croes – Yvonne Maduro & famia
Karin Croes & famia (Hulanda)
Marcolino (Lindo) Croes

Ayudantenan:

Simona Lacle
Olivia Carrasquero,
Maidelis (May) Gomez
Emila Velnois

Cuñanan:

†Aida -†Romulo Croes & famia
†Elsa – †Juan Winterdaal-Croes & famia
†Isidora (Doortje) Tjon Sie Fat-Croes & famia
†Maria (Anna) – †Henry Acosta-Croes & famia
†Odulio (Dufie) – Felesita (Sita) Croes & famia
†Juan (Bebe) – Ilogia Croes-de Mei & famia
Juan (Essy) - Aurora (Lola) Croes-Tromp & famia
†Bertha Britten & famia
Teresita (Sita) Geerman
†Martha Croes Thijsen
Marjorie Gamarra
Suegro & Suegranan:
Bernardo - Farina Croes- Croes
Theodoor - †Haidia Orman-Blom
†Alejandro - † Maria Geerman-Britten
†Eduardo - † Crescensia Kelly-Tromp

Ihanan, Sobrino- & sobrinanan y conocirnan.

Suegro & Suegranan:

Farina – Bernardo Croes
Theodoor - †Edia Orman
†Maria – Alejandro Geerman
†Eduardo Kelly - †Crescensia Kelly-Tromp
Ihanan, Sobrino- & sobrinanan y
conocirnan.

Amigo- & amiganan di cas:

Olivia Benshop
Mena Alders
Rosly - Roly Werleman-Croes
Hubert – Mariana Croes
Farina – Bernardo Croes
Mai – Dora Maduro

Demas famia:

Croes, Orman, Kelly, Geerman, Wever,
Molina, Willems, Aguilar, Lopez, Flanegin,
van Dijk, Krebbeks, Curiel, Bello,
Winterdaal, Tjon Sie Fat, Roos, Maduro,
Acosta

Condolencia lo tuma lugar diabierna 26
mei 2023 di 7'or pa 9'or di anochi na cas
Sta Cruz 360-A

Acto di entierro lo tuma lugar **dialuna 29
mei 2023** di 12'or pa 3:30 di atardi na cas
Sta Cruz 360-A, despues lo sali pa bai Misa
Inmaculada Concepcion pa un respons.

Nos kier a pidi nos disculpa si nos por a
lubida un of otro famia den nos tristesa.



AWEMainta

Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



info@awemainta.com
noticia@awemainta.com
aviso@awemainta.com